


曝書真集



漢書門			
三	一	三	九
六	三	三	九
五	二	三	九
九	七	三	九
類	架	函	號

內閣文庫			
三	三	漢	
一	六	書	
八	九		
函	冊	號	類

內閣文庫			
番號	漢	3659	
冊數	17	(4)	
函號	318	44	

九之十二



曝書亭集卷第九

秀水 朱彝尊 錫鬯

古今詩八

勝逢攝提格

春雪二首




淺草文庫

臘去初無雪春來盡日飄披離侵柳陌取次及花朝入夜飛
何急因風卷未消攜錢思縱飲不用酒旗招

客久催蒼鬢師行沙鏡衣漸看迴鴈近只共早梅飛關塞愁
無極鄉困信轉稀空憐兒女在遙計放船歸

送龔大之淮陽

潞河遲日送征驂禁雪初晴柳尚含一路青山到淮浦照人
明月已江南



汪舍人懋麟以下娘子布見贈賦寄

丁娘子爾何人織成細布光如銀舍人箚中剛一疋贈我為
衣禦冬日感君戀戀情莫踰重之不異貂襜褕攜歸量幅二
尺闊未數星統與荃葛曬却薄如飛瀑懸看來只訝神雲活
為想嗚梭傍碧牕慘慘女子定無雙浣時應值前裙水漂處
除非濯錦江長安城中盛衣馬此物沉思六街寡裁作輕衫
春更宜期君再醉天壇下天壇三月踏青時領邊短鬢風吹
絲試尋油壁香車路追逐紅禪錦髻兒

寄高層雲

萬里歸舟興有餘蜀薑名客鱸鱸魚酒邊可憶朱齡石深夜
明燈勘羽書

王尚書崇簡

招同錢澄之

毛會建

陸元輔

陳祚明

嚴

鍾孫計東燕集豐臺藥圃四首

上苑尋幽少東山載酒行發函初病起出郭始心清一老風
流獨羣賢少長并甘從布衣飲真得古人情
水淺孤村外亭開萬柳中流觴過上巳卷幔已南風旅話江
湖別幽期出處同接羅拚共倒舉手對山公
山田圍輞水左右出豐臺是日孤亭坐繁花四面開蟻浮傾
更滿蝶舞去翻來即事多高詠天涯不易哉
麗草攢細蕊晴風卷絳雲非華宜近汲衣術忽斜曛興自抽
簪發人因賭墅分重過知不厭歸騎且紛紛

送鄭南還

長安似爾客最久自別舊鄉今八年五里亭邊傾菊酒一帆
風末挂吳船承顏正好趨庭日生計須謀負郭田莫以故人

歸未遂卜居不與竹垞連

鴛鴦湖擢歌一百首 有序

甲寅歲暮旅食潞河言歸未遂爰憶土風成絕句百首語無詮次以其多言舟楫之事題曰鴛鴦湖擢歌聊比竹枝浪淘沙之調冀同里諸君子見而和之云爾

蟹舍漁村兩岸平菱花十里擢歌聲儂家放鶴洲前水夜半

真如塔火明 宋朱希真避地嘉禾放鶴洲其園前遺址也

沙頭宿鷺傍船棲柳外鷺烏隔岸啼為愛秋來好明月湖東

不住住湖西

春城處處起吳歌夾岸疎簾影翠蛾一葉舟穿妝閣底傾脂

河畔落花多 傾脂河在楞嚴寺東人家多跨水為閣

寶帶河連錦帶斜精嚴寺古黯金沙牆陰一逕游人少開遍

年年梓樹花 寶帶錦帶俱水名精嚴寺多梓樹

西埏里接韭谿流一簣鉞山古木秋慣是爭枝烏未宿夜深

啼上月波樓 西埏里載于寶搜神記在嘉興縣治西韭谿之水經其下併山宋時酒務月波秀州酒名載張能臣天下名酒記樓

係今孤挺所建宋人集題詠詩詞甚多

和韻

嘉興 譚吉璉 舟石

蘇小墳前水北流苔花梧葉滿園秋月華不與高城隔飛

上星湖第一樓

攜李亭荒蔓草存金陀坊冷寺鐘昏湖天夜上高樓望月出

東南白苧村 攜李亭址在金銘寺北宋岳珂為勸農使居金陀坊著金陀粹編寺南有樓名湖天海月

和韻

譚吉璉

胥江不遠小山存猶有遺祠翠木昏挂席西風乘興去白

蓮秋水夕陽村

百尺紅樓四面牕石梁一道鎖晴江自從湖有鴛鴦目水鳥
飛來定自雙

和韻

譚吉璉

水市花船一樣牕龍淵學繡一條江憑誰移箇龍淵塔學
繡村邊也作雙

倅解偏宜置酒過亭前花月至今多不知三影吟成後可載

兜娘此地歌

陸游入蜀日記倅解花月亭有小碑乃張先雲破月
來花弄影樂章云得句於此亭也張子野云住歲吳興守
滕子京席上見小伎兜
娘後十年再見於京口

女牆官柳遍啼鴉小閣臨風卷幔斜笑指孩兒橋下水雨晴

漂出滿城花

孩兒橋在天寧寺東石闕盡
刻作孩兒載魚應龍括異志

檣燕檣烏繞楫師樹頭樹底挽船絲村邊處處圍桑葉水上

家家養鴨兒

樂府則子歌注嘉興
人養鴨兒作此歌

桃花新水湧吳艚十五漁娃櫓自操網得錢塘一雙鯉不知

魚腹有瓜刀

錢塘杜子恭就人借瓜刀其主求之曰當即相還耳既
而刀主行至嘉興有魚躍入船中破魚腹得瓜刀見腹
神後

記

穆湖蓮葉小於錢臥柳雖多不礙船兩岸新苗纔過雨夕陽

溝水響谿田

和韻

譚吉璉

春來河蜺不論錢竹扇茶爐載滿船沾得梅花三白酒輕

衫醉臥紫荷田

金衣楚雀白鷓雞不住裴公島上啼白馬未嘶雲屋外紅船

先度板橋西

裴鳥即放鶴湖
相傳裴休別業

隄外湖光隄內池露荷珠綴夜涼時阿誰月底修簫譜更按

東堂舊日詞

毛滂在秀州賦月波樓中秋詞云露荷珠綴照見
鴛鴦睡月瓦修簫譜樂府調名東堂滂集名也

東堂舊日詞

鴨餛飩小瀧微鹽雪後墟頭酒價廉聽說河鮑新入市萋蒿
方回題竹枝詩跳上岸頭須記取秀州門外鴨餛飩

荻箭急須拈
城北城南盡水鄉紅薇徑外是回塘子家曉閣紗牕拓二月
東風蕙草香

和韻

譚吉璉

江村復禮舊名鄉竹作笆籬石作塘到處十家三酒店春
波繫纜岸花香

西水驛前津鼓聲原田角角野雞鳴薑心菜甲桃花里未到
天明櫂入城
西水驛在城西桃花里人多種菜為業

和韻

譚吉璉

棟子花疎過雨聲紫山看火樹頭鳴鄰船兩漿買桑葉南
抵餘城北渚城

姑惡飛鳴觸曉煙紅糝四月已三眠白花滿把蒸成露紫萼

盈筐不取錢
姑惡鳥名糝月最多野薑薇開白花田家籬落間處處有之蒸成香露可以澤髮

村中桑斧響初停溪上叢麻色漸青郡閣南風纔幾日荷花
開滿鏡香亭
府城西北有麻溪鏡香亭在慈恩寺南今廢

徐園青李核何纖未比僧廬味更甜聽說西施曾一掐至今

顆顆爪痕添
徐園李核如豆綠懸其中僧廬謂淨相寺產橋李每顆有西施爪痕

藉袈橋上水松牌白石登登鴈齒階曾記小時明月夜踏歌
連臂竹鄰街
竹鄰里元陳秀民所居藉袈橋在其東北

谷水由來出小湖渚城辟塞總春蕪戰場吳楚看猶在折戟
沙中定有無
水經注引吳記谷水出吳小湖注由奉縣渚城在今城北十五里水經注又云渚城又陳徑菜辟南舊吳楚戰場備

候於此故
謂之辟塞

金魚院外即通津轉粟千艘壓水濱年少女牆隨意望縫衣

恰對柁樓人

輿地紀勝金魚院在嘉興縣西北

懷家亭館相家湖雪艇風闌近已蕪猶有白蘋香十里生來

黃蜆蛤蜊鹿

懷悅居相湖南湖柳莊有水亭名雪艇湖中產蜆甚肥

學繡女兒行水潯遙看三塔小如鍼並頭菡萏雙飛翼記取

挑絲色淺深

城西學繡里俗傳西子入吳刺繡於此三塔龍湖寺前塔也

梅花小閣兩重階屈成屏風六扇排不及張銅爐在地三冬

長煖牡丹鞦

里有張鳴岐製銅為薰爐聞於時

鶴湖東去水茫茫一面風涇接魏塘看取松江布帆至鱸魚

切玉勸郎嘗

鶴湖在魏塘清風涇即白牛涇

蓮花細步散香塵金粟山門禮佛頻一種少年齊目斷不知

誰是比肩人

金粟寺在海鹽西南林坤諱齋雜記海鹽陸東美妻有容止夫婦相重寸步不離時號比肩人孫權封其里

織成錦衾碧間紅繚以吳縣四五通錦上鴛鴦三十六鰓及樓

夜夜水紋中

里出善錦

和韻

譚吉璫

巷西古塔畫闌紅閣老廳門一徑通猶記北樓驂篠地舊

薇一丈曉庭中

天寧佛閣早春開鳥語風鈴次第催怪道回船濕羅襪嚴將

軍墓踏青來

天寧寺在秀水縣治東北後有嚴助墓

和韻

秀水陳忱用直

東林禪宇白蓮開魚版纔停午復催坐久雙谿明夕照布

帆一半鷓鴣湖來

長水風荷葉葉香斜塘慣宿野鴛鴦郎舟愛向斜塘去妾意

終憐長水長

長水秦時所鑿斜塘地名

踈地垂楊絮未飄蘭舟上已被除遙射襄城北南風起直到

暴書

吳江第四橋

城北王江涇有射襄橋俗謠為壽香橋即射襄城故址

宣公橋南畫鼓過酒船風慢在鴉又碧山銀如勸郎醉擢入

南湖秋月斜

陸宣公橋在城東卷碧山元時嘉禾銀工宋聞人滋南湖草堂記橋亭澤國也東南皆陂湖而南湖尤大

木樨花落擣成泥霜後新搭配作麤猶恐夜深妨酒渴教添

玉乳禦兒黎

禦兒玉乳物見漢書注

畫眉墨是沈珪丸水滴蟾蜍硯未乾休恨圖經山色少與郎

終日遠峰看

沈珪禾人善製墨諸公沈珪對膠十年如石戴何漢春渚紀聞郡城四望無山宋鄭毅夫月波樓詩野色更無山隔也

和韻

碧瓦珠光火一丸綠楊絲挂綵幡乾泥孩縱說廊延好不

及曹王廟上看

三姑廟南豆葉黃馬王塘北稻花香秋衣薄處宜思妾春酒

熟時須餉郎

三姑事見括異志今長水有廟馬王塘在其北

小婦春風樓下眠與論家計最堪憐勸移百福坊南住多買

千金圩上田

石門有春風樓錢塘應才為嘉興學正婢曰陸小蓮百福坊人貝瓊元末避地千金圩

小舫中流播燕梢一螺青水練塘坳隨郎盡日鹽官去莫漫

將儂半羅拋

燕梢小船名長水東有練浦一螺青可浦水名劉長卿詩半羅為滿樹今為半路

鎗金硯匣行波戕日坐春風小閣前鏤管鏡百花書小字把郎

詩學魚言編

鎗去聲斜塘楊滙縣工鎗金鎗銀法以黑漆為地鐫刻山水樹石花竹翎毛其臺屋宇人物調雌黃粉以金銀箔

雨近黃梅動浹旬舟回顧渚鬪茶新問郎紫筍誰家焙莫是

前溪讀曲人

秋燈無燄剪刀停冷露濃濃桂樹青怕解羅衣種鸞粟月明

如水浸中庭

水中產鸞粟相傳八月十五夜仰女郎解衣播種則花倍盛

繡綫圖存陸晃遙唐家花鳥棘鉞描只愁玉面無人畫須是

傳神盛子昭陸晃禾人有繡綫圖載宣和畫譜唐希雅及孫宿皆善畫花鳥墨花繡綫子昭魏塘人嘗畫雀鷺鴛鴦像

去郭西南桂樹林五畝之園一半陰笑插枝頭最深蕊兩鬢

如粟辟寒金城西番氏園有桂一本垂陰逾畝每歲兩樹送開金蕊一枝

檢錢陣陣麥纖纖野菜花黃蝶易黏記送郎船溪水曲平蕪

一點甌山尖甌山在桐鄉今為錢大埋貢墓

比翼鴛鴦舉權迴雙飛蝴蝶遇風開生憎湖上鷓鴣鳥百遍

魚梁曬翅來鷓鴣湖在海鹽縣西南

龍香小柄琵琶瑟切玉瓊瓏約指環試按花深深一曲海棠

開後望郎還南宋太學服膺齋上舍文秀州人妻孫氏寄秦樓月詞一時傳播酒樓伎館皆歌之載古杭雜記花深深海棠開後詞中語也琵琶字唐人多作及音讀

酒市茶寮總看場金風亭子入春涼俊游改作烏蓬小蔡十

郎橋低不妨晏殊類要嘉興縣有金風亭蔡十郎橋載至元嘉禾志

落花三月葬西施寂寞城隅范蠡祠水底盡傳螺五色湖邊

空挂網千絲城西南金銘寺有范蠡祠舊井壘西子像湖中產螺皆五色

蘇小墓前秋草平蘇小墓上秋瓜生同心綰結不知處日暮

野塘空水聲唐徐凝詩與進寒食詩惟有蘇小墓王禹偁詩蘇小前有荒墳今縣南有賢偕巷

和韻

譚吉璠

參旗橫照郡樓平塔火初沉漁火生郭外城中十三寺一

時落月盡鐘聲

風檣水檻盡飛花一曲春波激灩斜北斗闌干郎記取七星

橋下是兒家春波七星二橋也

天星湖口好花枝便過三春采未遲蝴蝶雙飛如可遂教郎

乞夢冷仙祠天星湖在嘉興縣治東湖北有協律郎冷夢祠橋夢者有奇驗

江樓人日酒初濃——紅妝水面逢不待上元燈火夜徐王

廟下鼓菱菱

徐王廟在府城東北每歲人日鼓吹舟擊鼓士女往觀

河頭時有浣衣人處處春流漾白蘋橋下輕舟來往疾南經

娛老北躡賓

娛老橋在城南躡賓橋在府治西

芳草城隅綠映衫鳳池坊北好抽帆徐恬舊宅芹泥煖過雨

斜陽燕子銜

鳳池坊樓機故宅今郡學之前徐恬宅見陸廣微吳地記

秋潭極望水平隄歷歷杉青古閘西夜半嘔啞柔槽撥亭前

燈火落帆齊

秋潭橋在城北杉青閘名落帆亭名

和韻

譚吉璉

青鷁白鷺浴湖隄飛向羅潭廟口西竹傘梭鞵塵不到秋

風且看稻花齊

屋上鳩鳴穀雨開橫塘游女蕩舟回桃花落後蠶齊浴竹筍

抽時燕便來

橫塘在城東俗名筍之早者曰燕來

漏澤寺西估客多樓前官道後官河正值喧闐日中市楊花

小伎抱箏過

吳船女郎入市唱曲號唱楊花

五月新絲滿市屢雲縲車鳴徹斗門邊沿流直下羔羊堰雙槽

迎來販客船

羔羊堰在石門縣斗門在石門北

魚梁沙淺鷺爭淘處處村田響桔槔一夜城西茗水下酒船

直並小樓高

和韻

譚吉璉

槐葉青時和冷淘槐葉濃時轉桔槔槐葉黃時香稻熟登

場禾稼比牆高

九里橋西落照銜櫻桃初熟烏爭鷓須知美酒烏程到遙見

新勝一片帆

宋曾魯公監秀州新勝酒務今作新城誤

果書

九

馬場漁漁幾沙汀宿雨初消樹更青最好南園叢桂發畫橈

長泊煮茶亭彪湖一名馬場湖宋潘師旦以南塢漁漁水十一處會於春

五丈蘇子瞻煮茶亭在水北

青粉牆低望裏遙紅泥亭子柳千條郎船但逐東流水西麗

橋來北麗橋

伍胥山頭花滿林石佛寺下水深深妾似胥山長在眼郎如

石佛本無心胥山在塘東十八里石佛寺唐刹

花船新造水中央曉發當湖泝漢塘聽盡鐘聲十八里平林

小市入新坊角里東為漢魏二塘德藏寺鐘初成戒以勿擊俟行百里擊之工行至新坊十八里渡擊之由是不能遠聞載括異志

蒲山草與齊山齊澈浦潮來乍浦西白沃廟南看白馬巫言

風雨夜長嘶蒲山菜齊山俱在平湖白沃廟祀漢史君

綠煙初洗兔華秋片片魚雲靜不流山月池邊看未足移船

買酒弄珠樓山月池在平湖德藏寺城東有弄珠樓

鸚鵡湖流碧幾灣白龍秋水落陳山游人秦小孃祠過社鼓

聲邊醉酒還鸚鵡湖即拓湖陳山上有白龍湫見括異志秦小孃晉時人祠在平湖縣東南二十里

阿儂家住秦溪頭日長愛擢橫湖舟霑雲寺東花已放義婦

堰南春可遊橫湖霑雲寺俱在半灘東義婦堰漢許昇妻呂榮豕死黃巾之難糜府君益錢葬之今謠為呂蒙冢

巫子峰晴返景開傳聞秦女葬山隈閒聽野老沙中語曾有

毛民海上來樂資九州志鹽官縣有秦駐山始皇選此美人死葬於山下山之東海口有巫子山水經注光熙元年有毛民三人集於

縣蓋汎於風也

橫浦東連白塔雲下方鐘鼓洛潮聞結成海氣樓相似煮就

吳鹽雪不分白塔山在海中鹽官亦有鹽市

勸郎莫飲黃支犀勸郎莫聽花冠雞聞琴橋東海月上烏夜

村邊烏未啼聞琴橋在海鹽城東烏夜村何準宅舊址

和韻

譚吉璉

三條玉帶兩條犀爭訪金雞夢白雞高豕纍纍羊虎盡塘
南塘北亂烏啼

鷹窠絕頂海風晴烏兔秋殘夜並生鐵鎖石塘三百里驚濤

齧盡寄奴城鷹窠頂在激浦山極每十月初日月並出海中晉安帝隆安五年孫恩犯海鹽劉裕拒之築城於海鹽故治

招寶塘傾水淺深會骸山古冢銷沉都緣世上錢神貴地下

劉伶改姓金招寶塘在海鹽西南九州要記古有金牛入山阜伯通兄弟墓山取牛山崩二人同死穴中因曰會骸山郡有劉伶墓土人

避錢鏐諱改呼金伶墓

曲律崑山最後時海鹽高調教坊知至今十棒元宵鼓絕倒

黎園弟子師

春絹秋羅軟勝絲折枝花小樣爭傳舟移濮九娘橋宿夜半

鳴梭攪客眠濮院元濮樂間所居濮九娘橋在焉

郎牽百丈上官塘客倚蓬窗晚飯香黃口近前休賣眼船頭
已入語兒鄉

輕船三板過南亭蠶女提籠兩岸經曲罷殘陽人不見陰陰

桑柘石門青崇德古南亭石門春秋時吳壘石以拒越

和韻

譚吉璉

宅西狷石舊名亭曾侍先人說五經夢想故園猶在眼梭
欄一樹假山青

走馬岡長夕照中塘連沙渚路西東不知吳會誰分地生遍

菜萁一色紅走馬岡在石門水新鄉地有官室相傳吳越分疆處語兒中漚一名沙渚塘吳會分地紀書名見太平御覽吳菜萁

禾郡土產

移家只合壁瓦川居釀就新漿雪不如留客最憐鄉味好屠墳

秋鳥馬嘍魚閩人卓成大元末橋居壁瓦川馬嘍城形即水經注所云馬嘍城也魚可為腊

郎家湖北妾湖南兩漿緣流路舊譜却似釣鼈磯畔鷺往來

涼月影鈿鈿鈿鈿在湖中

野王臺廢只空墩翁子墳荒有墓門舍宅尚傳裴相國移家

曾住趙王孫白蓮寺隔水有顧野王讀書臺址宋買臣墓在角里街北真如寺相傳裴休宅趙王孫謂孟堅也居廣陳里

秋晚東林落木疎白蓮僧寺水中居昏鐘不隔漁莊火古殿

猶存日本書白蓮寺即東林施水院漁莊在其北寺壁有日本國人題名二處

蕪王戰艦已無蹤婁相高墳啓舊封曾見朋游南渡日北山

堂外九株松縣東三十里家甚高傳是婁機墓中有石室為盜所發北山草堂沈氏宅其石壘自南宋

仲圭舊里足淹徊曲徑橫橋一水隈小榭春風誰酌酒佛香

長和墓門梅吳鎮墓在嘉善縣治北梅花菴

懷蘇亭子草成蹊六鶴空堂舊蹟迷惟有清香樓上月夜深

長照子城西懷蘇亭在府治六鶴堂宋知州鄧根建府解有清香樓見吳閩總錄子城載開總括異志今日為子濬脚

稗花楓葉宋坡湖路轉潮鳴山翠無百里鹽田相望白至今

人說小長蘆宋坡湖即貴湖吳郡記海濱廣斥鹽田相望樵李舊號小長蘆見周必大吳郡諸山錄

桑邊禾黍水重圍時有秋蟲上客衣三過堂東開夕照滿村

黃葉一僧歸三過堂蘇子瞻遺跡黃葉菴釋智嚴所築

百花莊口水云云中是吾家太傅墳當暑黃鸝鳴灌木經冬

紅葉映斜暉百花莊在城北十五里先文恪公賜葬在焉

鴨嘴小船淺水通荻花門巷蕭蕭風荆南豫北鬪新釀不比

吾鄉清若空清若空亦秀州酒名見武林遺事

秋水尋常沒釣磯秋林隨意敞柴扉八月田中黃雀啁九月

盤中黃雀肥黃雀味甚腴齊陶莊馬腫

和韻

譚吉璉

菜花溼上半漁磯蒼蒨林中盡竹扉寒水看同春水闊高

田比似下田肥

江市魚同海市鮮南湖菱勝北湖偏四更枕上歌聲起泊遍

冬瓜堰外船唐張祜曾領嘉興冬瓜堰疏

妾家城南望虎墩郎家城北白牛村白牛不見郎騎至望虎

何由過郭門陳舜俞居秀州嘗跨白牛往來自號白牛居士

百步橋南解纜初香醪五木隔年儲不須合路尋魚鮓但向

分湖問解蟹膏去郡城東北三里有百步橋馬水脚瀨貞子蘇秀道中有地名五木出佳酒陸游日記合路賣鮓者甚眾一統志分

湖產蟹

石尤風急駐蘇灣逢著鄰船販橘還祇道夜過平望驛不知

朝發洞庭山蘇灣近吳江境上陳舜俞墓在焉

父老禾興舊館前香杭熟後話豐年樓頭沽酒樓外泊半是

江淮販米船望雲門北舊有禾興館唐李滌嘉興屯田政績記嘉禾一穰江淮為之康嘉禾一歉江淮為之儉

茅屋東谿興可乘竹籬隨意挂魚罾三冬雪壓千年樹四月

花繁百尺藤東谿從叔子荅別業

舍南舍北遶春流花外初鶯囀未休畢竟林塘輸角里愛攜

賓客醉山樓山樓從叔子襟所居四方賓客至者必集於此

谿上梅花舍後開市南新酒醱新醅尋山近有及基宅看雪

遙登顧況臺余近移家長水之梅谿及山在其西橫山在其南皆可望見顧況讀書臺在橫山頂

和韻 譚吉璫

木樨開後菊花開黃雀霜螯載酒醅九日登高東塔寺風

沙終勝赫連臺

歸人萬里望丘為白酒黃壺瓠作卮來往權歌無不可西溪

東柳任吾之丘為郡人王維送之詩云西湖三畝宅萬里一歸人里中黃元吉治錫為壺極精緻近日鄉人多用匏樽西溪在府城西三里

鮑恂所居東柳在平湖

檻邊花外盡重湖到處杯觴興不孤安得家家尋畫手谿堂
遍寫讀書圖

黃子久有由
奉讀書圖

和韻

譚吉璉

擢歌欵乃勝西湖風景尊前調不孤只少松陵朱處士屏
風八尺寫新圖

旃蒙單闕

題畫竹二首

疎筠个个倚風輕忽憶鄉園宿雨晴三畝宅西桐樹北此時
新筍又應生

雪禽未染唐希雅怪石須添趙大年興發欲尋潭柘寺春流

泱泱響山泉

燕京無竹惟潭
柘寺東院一林

懷上方山二首

不到上方三歲久茅茨長想結山隈盡移細石教泉下亂插
繁花把徑開倦客春深歸未得故人書寄約重來水筒雲確
安排易只欠江南遶屋梅

百丈霞梯澗戶扁層崖依舊入天青花源未有秦人住履齒
曾同謝客經殷地昏鐘催夜月過橋春水續寒汀精藍近結
支纖侶準擬松根煮茯苓

送顧乃西還楓涇

客游五載莫淒然元夕天涯我十年為羨王孫歸去路岸花
江草送吳船

嚴侍郎招同吳明府

山壽

龔觀察

佳育

陳處士

晉明

高上舍

層雲

集吳氏園亭時公子

曾繫

在坐

八駟曉出郭門東避暑閒園河朔同山簡賓寮攜酒上謝家

裘履滿亭中微涼高柳虛檐日過雨新苗隔岸風四坐傳杯
那不醉主人先已百分空

贈吳明府

山濤

詩人吾愛塞翁好風格西陵別擅場嗜酒肯淹千里駕罷官
為起七歌堂雲山畫出無前輩暑雨燈殘話故鄉角里菜畦
猶未賣歸時休只戀餘杭

潞河遙送湯驛南還四首

惜別無從倒玉壺椒裝遙發短亭孤荆高舊侶分攜盡燕市
何人送酒徒

青齊南下即扁舟一片雲帆故國樓此去向平婚娶了明年
五岳試同遊

生計歸時且掩門還憐舊業已無存全家欲傍西溪住最愛

梅花第幾村

竹垞三徑也蕭然歸夢天涯又隔年儻肯結鄰長以市開門
同對小池蓮

懷鄉口號八首

驅舫西偏盡竹梧紫微山石儘教鋪兒孫鄉里堪娛日不用
千金買佛奴

驅舫余齋名元獲樂閒以中
統鈔一千錢買歌兒汪佛奴

先人舊宅北門樓舍後斜陽塔影低門運傷心難再問夢魂
猶繞舊沙隄

碧漪坊裏譚公宅鴨脚清陰半畝餘最憶兒時好兄弟樹根
同讀五車書

五經進士譚公宅在府治東北碧漪坊舟石郡丞左利孝廉孝
山太守次友與籍及亡兄舍人夏世賢讀書於此是余亦與焉庭
有鴨脚
樹三本

舊日園林半已荒惟餘曲水繞芳塘少年最憶春游好曾向

顏家看海棠

顏家園海棠花最盛今已摧折

墨林遺宅道南存詞客留題尚在門天籟圖書今已盡紫茄

白菟種諸孫

項處士元汴有天籟閣書古今書畫甲天下其閣下有皇甫子循屠肆真諸公題詩尚存

舊游俞繆日過從三李銜杯興最濃明月綠牕期沈約白鹽

赤米問周顥

憶右吉天自斯年也曾分虎山子青士也

司農泉石向來耽徐穉同遊飲必酣夢想谿山真意好夏天

修竹水亭南

曹侍郎汝岳園有谿山真意軒徐穉指敬可也

方外能詩數復公結茅初地虎谿同詞人寂寞宜過此一舸

月明湖水東

復公字文可任切地蒼詩格最老

曝書亭集卷第九

曝書亭集卷第十

秀水 朱彝尊 錫鬯

古今詩九

柔兆執徐

讀葉司城

封嵩游草賦贈

客居通潞春復冬有如飢鳥仍投籠平生夢寐在五岳垂老未觀嵩陽峰峰頭玉女定笑我那不控鶴鞭癡龍瓊漿勿飲良可惜白髮滿鏡徒愁容葉君昔年幸登封莓苔洗字尋石淙霞梯高高八百丈筍鞵踏遍青芙蓉盧巖瀑飛一匹布鐵梁峽偃十年松仙人十六時相逢聞吹竇管向明月有時髻插三花穠漸川俞叟與君往來熟言君愛奇恒未足開筵為蒸玉面狸行藥曾騎雪色鹿測景還登測景臺道遙宛在道

遙谷偶然長嘯百里間每遇殘碑三日讀不見囊中金石編
何殊集古歐陽錄崇文門西車轂擊十里黃塵眯人目下馬
尋君道名姓一笑情親為鄉曲投我嵩陽詠百篇勝聽哀絲
與豪竹近來海內工詩格新城王君最雄獨一見君詩許絕
倫同調由來賞心速君今司城名籍甚粟果少年齊足踞入
門靈事半栽花插架圖書尚連屋作吏如君良不俗聞從巷
北期王君更許高齋醉醞醪余箱圖書恣臥遊豈必盧鴻草
堂宿

春暮柯少卿招同故鄉諸子集古藤花下送譚十一

孝廉兄之舒州

古藤二本高刺檐鬣筆亂挂驪龍須得主人築堂二十載客到
盡卷堂中簾肥香徐來翠陰動晴絲欲墮朱光炎今年經過

物候早三月已見繁花黏河豚未罷直沽市牡丹定綠房山
尖春風不飲最可惜急收筆架移書籤相期鄉黨十數子同
時走送譚孝廉一觴一詠少長集脫略禮法無纖嫌懸燈直
教猛燭並有酒但向深杯添移時留鬢盡送客三人密坐清
宵巖北城漏鼓聽漸數下弦殘月光塵兼捉臥瓦人選新格
主猶鯨吸賓魚噉人生離多合亦易有江封花前沾舒州
地勝山水兼孤城皖口跳波漸芙蓉之池泛永日訟庭無事
恒虛恬鱗魚凝脂切黃玉翠螺如畫圍蒼兼乃知下第去亦
得絕勝六街衣馬塵容黔

題元張子正林亭秋曉圖同高層雲賦

一峰畫品最緻密逾三百載流傳稀今人摹仿目未睹但取
率略屏紆威殘山刺水不數點豈惟神異貌亦非當時藝事

許入室華亭張中稱庶幾即如此圖乃學井西王生筆林亭
曉色開熹微焜黃老綠下掩百竿竹是誰竹下結屋關荆扉
橋無一人行樹無一鳥飛斜川折溜凡幾轉古寺突兀樓松
圍涼雲濛濛不可極懸泉直下春林霏人家積歷更高處水
榭八九相因依武陵桃花笑早濕茲山避地堪如薇當知作
者意獨得能使留題數千傳聲徽客中三伏正沾熱對此羽
扇都傳揮安得天風扶我縹緲度絕磴與君攜手同振千仞
岡頭衣

贈鄭簾

金陵鄭簾隱作醫八分入妙堪吾師竭米賣藥長安市諸公
袞袞多莫知伊余聞名二十載今始邂逅嗟何遲自從鴻都
石經後工者疎密無定姿任城學官闕里廟羅列不少漢人

碑簾也幽尋遍摹榻羲娥星宿撫無遺邵陽酸棗法尤備心
之所慕手輒追黃初以來尚行草此道不絕真如絲開元君
臣雖具體邊幅漸整趨肥癡寥寥知解八百禩盡失古法成
今斯邇來孟津數王鐸流傳恨少無人披太原傅山最奇崛
魚頰鷹跼勢不羈臨清周之恒委曲也得宜勾吳顧苓粵譚
漢暨歙程邃名相持未若簾也下筆兼經奇絲如煙雲飛欲
去屹如柱礎立不移或如鳥驚墮羽翻或如龍怒撐之而箕
張昂萃各異狀屏幃大小從所施平山堂成蜀岡湧百里照
耀連雲榭工師斲扁一丈六衆賓歎息相瞳眙須臾望見簾
來至井水一斗研隄磨由來能事在獨得筆縱字大隨手為
觀者但如不敢嘗五加皮酒浮千鷗我聞此事足快意目雖
未覩心已怡安得留之數晨夕醉時竊村醒肩隨盧溝橋北

風已厲于今南去生凌漸驪駒在路留未得歲聿其暮云誰
思鍾山草堂定好在放溜且任吳中兒華陽瘞鶴字刻露鄧
尉遺樹花參差無錫城邊見嚴四示我長歌一和之

送顧瀛之沂州

官亭把袂惜離居南指臨沂歲未除行過蒙陰山葉響馬頭
青壤雪消初

壽何少卿元英

冷卿宴客已無錢猶有南牀許醉眠清鏡看來容四十練裙
書禿管三千日邊初度春尤近雪後今宵月最圓弟子麴車
來不少相留判飲到新年

壽劉編修芳二首

金錢袞袞考堂輸今日通階昨日殊誰似編修甘寂寞七年

不向集賢趨

人日梅花一月前騷人初度棗弧懸蕭然賦雪攜羣從絕勝
徵歌玳瑁筵

強圍大荒落

河豚歌

春味水連北溟七十二沽漩迴汀漁師乘春漾極浦舫
葉葉輕於萍河豚此時舉網得活東小大同賦形賣不直錢
棄可惜堆置更比凡魚腥南人見之莞爾笑是物足勝通侯
鯖葦蒲束取十白輩馬馱車載兼手拾晨興主人食指動忽
覩兩縛陳吾庭客來疾呼莫莫莫當投畀煩丁寧食熊者
肥食鼃瘦豆令人重榆則瞑彼猶無傷此獨甚犯之不異衝
鈴釘主人語客且安坐吾言物理君試聽人生一死各有候

韭英棗華木葉零即如飲啄亦分定鼎腹豈必堅關局雖云
甘脆腐腸藥不聞茹藿長延齡茲魚信毒種乃別膜胸有法
食有經或如燕子尾涎涎或如束帶腰黃鞋今之饋者皆不
爾安用荷鋪蕕丘冥抉精刮膜漉出血如鼈去醜魚乙丁磨
刀霍霍切作片并華水沃雙銅餅薑芽調辛椒攪醉菽筍抽
白萋蒿青日長風和竈觚淨纖塵不到晴牕櫺重羅之麪生
醬和凝視滓汁仍清冷吾生年命匪在卯亥為古縮箸蠲停
西施乳滑恣教齧索郎酒釀未願醒入脣美味縱快意累客
坐久心方寧起看牆東杏花放橫參七點昏中星

送董孝廉愷游五臺

軍都關外朔雲屯過盡龍堆入鴈門一路金光瑤草色青天
直上五峰尊

兕觥歌

觥為許文穆公錢趙太史定字物為何少卿賦

覆玉盃屏香螺徹銀鑿落金叵羅黃支之犀塵盡碎主人持
觥客前席請看觥上銘為君陳夙昔定陵冲年資相臣元老
奪情眾怒嗔朝陽一鳳午門伏折檻寧辭逆鱗觸歸時餞者
滿都亭珍重臨岐許文穆神羊一角詎有雙流傳既久歸婁
江張公以之遺弟子敢諫吾公趙公似更兼愛客無倦容平
原十日恒過從朝衣典盡且不顧快意但寫鳧花濃我浮此
觥亦已數尊前豈惜狂歌重吾公邇年徒卿寺西掖南牀誰
鷄視漢殿今無白獸尊滿飲黃流莫輕寘

周郎中自閩回賦贈二首

萬里孤臣去三年別館因遙憐天北望不異海西頭曲罷紅
薔老園荒紫蓼秋空堂今夜燭誰分話離愁

入夜祇同宿經秋鴈不飛歸迎雙眼淚去陷幾重圍攬鏡顏
都改趨庭計已非辛勤完節意冬月尚絺衣

同里李

符

游於滇遇碧雞山道士謂曰子前身廬山

行脚僧也

符後十年當仍歸廬山

符乃畫廬山行脚圖

俾予題詩二首

畫裏分明廬岳僧雲峰有約十年登江湖到處勾留住看爾
入山能不能

桃鄉一望水接藍擬結鄰居共釣潭休信碧雞狂道士閒拋
老屋在花南

春浮閣

春浮本佛樹之子愛逃禪小閣道南市清流插口泉攤書官
柳近對酒女牆偏盡笑張思曼能牽岸上船

題董尚書墨蹟

三真六草董尚書北米東邢總不如試誦容臺好詩句一縑
肯換百碑磔

彭城道中詠古二首

舊社粉榆改寒雲芒碭收山風吹野火飛度斬蛇溝
博浪飛椎後圮橋進履年無人知偶語況有素書傳

清流關

清流關屢屢設險古來尚細路緣秋毫石角竦殊狀舍我一
兩車柱此九節杖初行井曰中俄出松果上回睇衆山卑連
峰走頽浪入關少疆礫客意始蕭放平岡響楓葉斷壁偃花
當南滁暑未銷西澗水新漲眺遠懷昔人儒衣謁戎帳君臣
既深契一言判興喪偏師越死地於此蹶上將遺跡雖已湮

過者心所嚮山高而水清獨立但怡悵

題顧夫人畫蘭

眉樓人去筆牀空往事西州說謝公猶有秦淮芳草色輕紈

勻染夕陽紅蘭名見金漳趙氏譜

著雍敦牂

興化李先生清壽詩

世事有屈必有伸吾思遜國忠節臣詔書張目不肯草何得
復作叩頭人一時史筆授曲學壯夫氣短懦夫嗔衰忠之典
歲久闕草野論議徒紛綸奎園先生家海濱早成進士官於
鄞掖垣竹埤歷八舍抗疏豈懼批龍鱗曾聞過江上封事神
人觀聽交歡忻方黃鐵練名盡易榜祠木末金川稱電光石
火雖暫照猶勝霧霧霾窮塵傳之百世終不湮先生用意良

苦辛邇來閉戶三十載著書更比當年勤東京舊事孟元老
北盟新編徐夢莘藏之名山自怡悅使者徵索推蒲輪先生
穩臥南溪濱白蕉之衫紫荷巾三詔六聘催未起衡門但與
沙鷗親年今八十能抱真齒兒髮秀目綠筋立譚古昔猶斷
斷玉堂才子念明發四月正及懸弧長袖懷蟠桃五寸核目
送海鶴千里津棗園池水風漣淪蘭藥四照花如茵五加皮
酒粥面厚鳴薑鱸鯉羅兼珍烏衣不改王謝里一門羣從稱
觴頻古來傳經藉遺老者儒往往上壽臻不見張蒼伏勝暨
轅固博士江翁杜子春

鄭州題壁

積水漁村渡新涼酒旆風河間多姪女若箇數錢工

得龔百朋嶺南書却寄

卷下

七

別鴈橫汾信去留何時漂轉入端州
天邊消息初踰嶺戰後江山獨上樓
草檄硯開鸚鵡潤歸帆雲暝鷓鴣愁
回憐十載相逢地晉府街東並馬遊

為徐徵士題畫

買斷西濛港湖田二頃餘應同尹都尉
暇便著農書

王尚書招同陸

元輔

鄧

漢儀

毛

奇齡

陳

維

周

李

良

年

諸

徵

士

讌

集

怡

園

周覽亭閣之勝率賦六首

北斗依城近南陔選地偏
綵衣逢暇日珠履託羣賢
山擁牆初亞林疎徑屢穿
身隨沙際鶴飲啄到平泉

石自吳人壘梯懸漢棧牢
白榆星歷歷蒼蘚路高高
宛得棲林趣潭忘步屨勞
下山無定所隨意各分曹

澗白泉初徙籬金菊未枯
夕曛含略約亂石點樛蒲
密坐千

人許迷途八陣俱不因爨
煙細何處覓行廚

風磴雙亭外疎藤蔓十尋
龍蛇寒自蟄鳥雀暮長吟
待結千

花墜應同萬柳深隔林催
未起獨坐想濃陰

覆滿西南戶堂臨上下洄
落成凡幾日勝引喜先陪
監史新

醉樽壺觴舊醖酌謝公能
賭墅會見捷書來

小閣簷端起虛牕樹杪憑
忽驚黃屋近更繞翠微層
九日今

年悔諸公逸興能尚書期
可再雪後轉須登

題周恭肅公畫牛二首

白川畫龍兼畫牛遶村急
雨孤蒲秋百年紙墨黯無
色雲氣

溟濛猶未收

牧童橫笛吹不得背面却
着溪上山記得濫溪西去
路荻花

楓葉淺沙灣

沈烈女詩

吳趨沈氏女許嫁黃小同墨車雖未迎媒約言已通黃童抱
羸疾十九年命終沈女得山問淚落如泉江布總箭筈髮喪
服治衣工上樓不下樓顛顛縣春冬含辛桂枝蠹食苦蓼葉
蟲父母勸之嫁女志經樓中須臾救復活自誓永不雙獨居
三十年兵革俄乘墉全家盡逃匿女仍守樓臆結我裳與衣
輟彼飧與餐一笑歸黃壚之死何從容層層虎丘塔下臨松
柏桐兩家謀合葬龜筮咸相從小字書新銘白石沙磨龍雙
飛化蝴蝶並帶生芙蓉春水鴨頭綠秋草雞冠紅花船恣來
往愛泊山西東吾願游冶女視此馬鬣封

題腰鼓圖

細腰急捧鼓參撾水調兼歌穆護沙料得翻身誇絕技只嫌

插鬢少葵花

丘漢陽壽詩二首

自從江漢耀歸舟雲壑棲遲三十秋占得釣磯臨海嶼至今
八十轉風流

圖經七十二福地其二乃在東楚間先生林居盃池近長年
不改芙蓉顏

屠維協洽

元日同孫枝扇毛奇齡陳維松吳震汪楷諸徵士喬

萊舍人湯右曹上舍集曹舍人不書齋遲李復潘

未不至即席限韻二首

勝引期元日虛齋束五經客來衣半白杯至眼俱青密坐更
番改清詩次第聆燭花高不落嘶騎且迴停

樂極修簫譜觴行罷酒監同聲歌郢曲異味轉吳帆東閣花
須放西山翠可鑣還期共潘李並馬試春衫

古意投高舍人 士奇

奕奕九成臺泠泠五絃琴威鳳刷其羽歌舞樂帝心朝儀靈
沼上夕息高梧陰覽輝千仞餘求友及遐深爰居本海處亦
復辭煙濶東門一戾止游目嘉樹林和風動閭闔百鳥啁啾
吟獨無笙簧舌臆對難為音主人軫物微飼花若黃金食之
非不甘愧莫報以琛寄言鸞鳳侶釋此歸飛禽

酬閣 若據

烈火燔帝竹秦鏡忽以淪番番濟南叟後死髦而勤腹笥傳
少女蕊落餘空靦掌故潁川來何繇聽其真所怪張歐陽疑
義嘿不申金絲魯宮響科斗蟠輪困俄遭巫蠱發竹簡迹久

湮梅生千載後一一紛羅陳其餘航頭字拮據亦有因譬若
完衣裳安用重補紉文從義艱晦體殊絕蹤塵孔書既成在
謨誥恒鮮新何不正今譌去險歸溫純此義誠難知疑者頗
相循閻生并州彥徙宅清淮濬昨午應詔至旅食春明春小
心對縫掖餘勇刺古人示我一編書其言狂且醇諸家援王
吳百氏搜墨荀幽室決交奧希音辨韶鈞雖爲見者駭猶勝
徒咕呻吾生瀨述作老矣潛悲辛君非漢井丹經義何紛綸
況有紉扇詠贈我情彌親客子寓招提不出動盈旬春冰玉
河裂草暖波鄰鄰紅杏舒繁條翠嵐壓重闔相期出郭游西
山恣迴巡並馬騁劇談九皇八八民醒即坐松石醉即臥花
茵

御試省耕詩二十韻

長樂虬鐘啓端門羽仗排良辰元已近暄景暮春佳

帝念勤民切羣情望幸幸比百蘋風吹近遠蘭澤洗氛靈街尾

中流鷁拳毛內殿騶農輿霑雨露俞騎東鞞沙柳津亭岸

山松驛路牌西疇一以望東作此時偕于和分原上提筐籃

水涯杏花殷似火萑葉小於釵巷靜錫簫市煙澄土鏗柴倉

庚飛習習布穀語喑喑樂事紆

乾願豐年協

睿懷歌時成夏諺行處即堯階殿開黃屋人家遶翠厓定

知先稼穡力為減徭差吉日宣王禱空同軒后齋星躔齊北

拱聲教已南諧曲渚宜浮洛芳尊迴勝淮

宸游多悅豫振旅入天街

送張大理雲翼省親皇蘭結婚作

纔投縞紵慰臨岐別酒翻慳雪後持聽棘暫辭歸觀日絃桐
為譜述昏詩咸陽紫鳳秦臺迴京兆青螺漢殿知此去心懸
清禁月重逢應及柳如絲

為姜宸英題畫

潞水秋風上短檝日湖南望水雲賒空教

天子知名字不賦長楊賦白華

送施鑿范令什邡

早緝銅章去嚴程莫滯留連雲仍舊棧到日恰高秋訟向泉

邊聽書從鳥外郵母嫌山郭小漢將此封侯

寄酬張五處士兄彥之

五茸多富室算緡苦煩拏兄也雖屢空家居能晏如糠粃恒

不飽寄詩饒鴈魚何哉免園冊不鈔貧殖書

和田郎中要移居韻

道南道北書一車田郎與我齊移家月俸雖分五斗粟相呼
野性同磨農濁醪盈杯注凍水暖湯濯足歌彭衙風簾無額
星炯碎短檠縱葺仍天斜牕前喜有兩棗樹凝想滿眼他時
花誦子山薑詩句爽有若瞑坐翻金鴉盤空硬語和未穩月
黑漏鼓鼙鼓搗布衾不睡我亦爾牽牛獨處嗤炮媧

題李檢討澄中所藏明月蘆鴈圖二首

吾家水閣傍江斜風荻侵簷一丈花連鴈低飛渾不見祇聽
拍拍響圓沙

遠岸風微宿雨殘天邊忽湧爛銀盤盧河橋畔秋容好比似
南湖一曲看

淨業寺看荷花同嚴四檢討編孫作

香刹綠隄轉官橋信水流綠雲千萬頃不見采蓮舟

李檢討澄中惠鮮鰕魚賦謝

海岱惟青州水族不可算有魚其名鰕託命白石研孔如螺
者九體具蚌之半浮沉信潮汐出沒昧昏旦浚浚逐崩濤汨
汨臨駭岸漁師三五輩利刃挾新鍛迎寒解衣禪燎薪雜石
炭俄而投衝波若勇士赴難滑苔裹獮殼自恃兩堅悍彼石
陷死地嗟汝豈得竄殺機伺巧發一割乃中斷黨附安可常
徒令見者歎是物昔所珍不數鵠鵝胖彥回三十枚曾鄙萬
錢換李君家諸城古臺琅邪畔封書敕官奴鄉味來歲晏荒
途犯風雪羸馬走顛汗以之貽故人腥涎尚未澣疑有蠟珠
存無復朽索貫饌法失嚴龜食經忘馬琬庖廚異羹臠南北
互譏噴於焉出新意萍汁藉糟灌雜雜筠筐排一一挂火煨

雖殊馬甲脆足勝羊胃爛觀頤匪自養比鄰呼酒伴饒叔可
陶盤不食真純漢

送耿副使之官隴右

雙旌曉發動征塵猶見黃花驛路新樹屏莫辭朱圉遠封侯
須與玉關鄰魚龍積水塞帷近馬鹿晴山繞暮春到日西堂
留牘少尺書須寄倦游人

佛手柑二首

柰女環初脫金仙露最甘萬重來水市一笑啓筠籃味豈踰
淮變香仍隔歲含回思珠海住千樹橫雲南
宛是祇林得宜從漢殿傳浮江螺女外置驛福官夕上截鷺
肪嫩黃堆兔殘圓尚嫌香氣遠分傍枕函邊

上章浣灘

平蜀詩十三章 并序

臣伏見

皇上即阼以來仁聲溥洽凡在海外重譯來格邇者巴蜀負
固叢爾叛寇神人交憤六師所向何堅不摧

皇上先之以德化未即咸劉乃以渠旣殞餘孽固悛

天威赫怒爰命虎臣五道分軍深入其阻日未浹旬保

都千里底定正月丁巳捷書上聞誕集文武臣工宣于闕下
僉曰蜀寇之不靖於今六稔

皇上休養民力湛靜不練金鏡在握朗照萬里之遠山川險
易瞭若掌中

廟算恢宏指授方略以師則武以時則利以將相則和調用
能不日成功

聖武布昭遠邁隆古臣以布衣被蒙

恩澤拔置史館粵稽曩昔劉闢既擒韓愈進元和聖德詩明
之平蜀劉基亦作頌以獻臣雖蒙滯躬逢盛際於以頌揚不

烈其何敢後乃拜手稽首而獻詩曰

皇帝聖哲靡遠勿瞻南諧北變西被東漸蠢爾不庭憑阻滇
黔爰踞巴蜀以逞戈鋌

皇帝曰咨元戎是敕欲宣武功誕敷文德寇衆來挑我堅壘
壁匪久其師恤民之力

民力既恤士氣孔揚我車我牛我倉我箱芻茭菽粟在囷在
岡萬夫豫附萬馬騰驤

魁渠肆殄梟謀日隕

帝曰可哉命整雲旅分鑣以馳揚旌負羽或搯其吭或擊其

薺

赫赫奮威師度七盤既下葭萌入閬中關桓桓勇略烏道鈎
援緜井既收遂復錦官

如彼東瀛用注螢燭如彼衝風用卷秋穽昧雉斯經窮獸乃
縛徹其幟竿清我埃柝

蜀之黃髮植杖以遨蜀之黃口聯臂而謠壺則有漿簞則有
醪或俛于野或迓于郊

迺疆迺理橙林棘路爾宅爾田輕爾徭賦巴賁其棧寶輸其
布棧谷梯山千里褰泝

捷書夜奏徹於

宸聰午門斯啓宣示臣工小大稽首蹈舞攸同庭燎哲哲光
如日中

我出我師正月初吉至於益部曾不旬日矯矯虎臣殆罕其匹

帝心是嘉首用遷秩

人亦有言師克在和惟此成功

廟算實多貳者勿族降者勿苛

皇仁之溥四國是毗

井絡既平坤垠式奠蒙詔牂牁載歸赤縣

皇帝神武俾脩組練亦有昆池於焉習戰

聖有恒訓儆戒無虞凡百有位職思其居勿謂外寧官守或

渝小臣作詩以贊訃謨

題李檢討梅花圖和韻

樂飲高齋勝都亭不易哉容從元夕暇花擬故園開

苔潤衝寒雀豹來若為方法便分乞小牕栽

刺梅園餞別陸進游汝陽

刺梅園裏青松樹笑我頻來竟白頭避暑暫辭襜襪客停杯

又起別離愁村煙斷續陽人聚山色東西郊縣樓餘事機雲

時唱和莫忘日下置輕郵

題湯上舍自牧潛籟軒

香草芹城外幽居虎峪隈緇塵吹不到白鳥有時來萬籟入

門寂羣花繞屋開家僮聞剝啄知得異書回

七月晦日賜藕恭紀二首

宸遊西苑念詞曹踏藕連船出鷺濤白藕金門教遍及青泥

玉井詞新洵欲添素節秋迎閏八月看漉花甄日漸高賜

果自來聞曲禮不圖異數小臣叨

分載篋輿路未賒冰條玉筍淨無瑕
蒸來須實麀牙稻雪後
寧論虎掌瓜故事繙書前代少
歸田對客異時誇餘根試傍
柯亭種驗取薰風紅白花

送慕主事權關杭州

江漲橋邊路星隨使者來
須知持國計端藉軼倫才
書幌晴湖卷茶檣夜火開
西谿春信早誰並詠官梅

題吳徵君

雲詩卷二首

藉甚吳郎大雅材賦詩不上柏梁臺
翻飛却似青雲子
秋風上苑來

三晉風騷雜偽真遺山歿後更無人
把君行卷竊堪並除是
番禺屈大均

送趙主事

吉士

權關

珠簾十里江都市鐵鹿連船估客檣
持節自來星使重算緡
須比水衡強橋邊揚子仍開驛
柳外平山舊有堂到及梅花
官閣綻好攜賓從促飛觴

贈別梅

庚三首

宛陵才子數都官似爾清詩和者難
猶記春游潭柘寺下方
點筆到層欄

東田西曲我曾居擬向茅山讀道書
此意沉吟三歲久送君
南去轉躊躇

谿山重疊細泉分畫手由來最軼羣
輸與田郎團扇好秋牕
看寫敬亭雲

謂學使
交也

奉酬相國馮夫子問病之作

月閨延秋序樽空病酒徒黃楊生
易兀烏兀凭逾孤夫子勝

龍樹奉錢資藥爐清風兼有作宛使蟄蟲蘇

送十一叔還里即作豫章之遊二首

沙隄棘寺路依然再到京華四十年客裏鬢絲驚並老愁中
藥裏迭相憐觥籌尚記投賓轄薑蔗都無負郭田此去南湖
仍暫住未容高枕竹林眠
大江西上總風湍猶勝驚沙老據鞍擬共故人登快閣便浮
小艇泝層灘竹雞格磔雲根語蘭草葱青鏡裏看南道逢迎
應不少莫輕留滯等長安

曝書亭集卷第十

曝書亭集卷第十一

秀水朱彝尊 錫鬯

古今詩十

重光作噩

送陸參議光旭督儲江北兼訊龔方伯佳育金司臬

鎮出學使雯

春盤細菜散觥籌暇許招尋醉肯留遲日最難花下別輕塵
恰向雨餘收孰知官閣三山近預想燈船五月遊
應笑語石城岳牧總風流

題李檢討澄中濯足圖

我昔左海遊曾為東武客夕陽一騎人不知馬耳晴峰照金
碧夢想青蓮五朵開雲泉百折流滌洞當時濯足若逢爾翁

鞵桐帽忘歸來攜手日上超然臺

夏日 瀛臺侍直紀事六首

暗水三橋出明星萬戶開玉堂鈴索動宣喚入瀛臺

宿葦多於薺涼沙白似冰隴隴深樹裏忽露九枝燈

麗草雲根潤風花鳥下香蓬萊今始到真在水中央

太液新蓮萬金盤曲宴初

君恩念蠲渴先賜馬相如

螭首濡毫罷蛾眉散直歸爐煙香未歇荷氣復侵衣

紫籞千花露金塘萬柳條牽曾容左史徐度赤闌橋

五月丙子侍宴 保和殿恭紀二十四韻

柱下隨周史琴邊聽舜歌

廟謨神策勝荒服遠人過葱嶺車書接條支部落多郵籟幾

重譯貢使白明駝黃帕開封速花靛視日趨九賓齊脫劍一

士許鳴珂乍橐螭頭筆還衣鳳尾羅逶迤緣幔閣蹶蹶步鑾

坡天半聞

清蹕塵中隔絳河班聯小侯近禮異叔孫苛粗妝官庖出葡

萄塞馬馱壺冰淘紫萐山葉裏瓊禾割肉容臣朔傾心到尉

佗上雲留麗曲深雍舞蠻辭喜溢

龍顏甚衰慚鶴髮何見知真特達矢報尚蹉跎懷核披香案

分酬太液波自然蠲喝暑直覺去沉疴煙淨高城柳風傳別

殿荷景猶長北至序正秩南訛

帝治原無外

皇居信有那萬方皆屬國六詔敢橫戈洱海兵將洗苴蘭石

可磨宣功宜作頌

聖德邁元和

題王舍人 詞 西山游記三首

三年索米住長安咫尺雲峰欲上難
讀罷高文但西笑開簾
試隔女牆看

盧師說法已千霜石上松猶四尺強
我亦曾尋三龍子夕陰
點筆在莓牆

上方絕磴最蕲巖花藥春叢靜不
變六聘山中三日住
輪君秉燭入空嵌

臨淮口號

鮮鯽臨淮美傳聞尺半強祇供津吏索不放
老夫嘗

秋杪同周 質 王 輩 李 符 龔 翔麟 邵 瑣 舍弟 彝介 從子

建子游攝山是夕包 銘 曹 彥樞 適至際曉周覽山曲

信宿乃還 輩 圖為行看子各紀以詩予得四首

一峰立如繖眾峰韜陰霞有時眾峰露一一
青蓮花我來秋

已深白露零蒼葭同調五六人志在窮幽
遐出郭屏廉從取

徑入哈呀高墳何王墓但有麟辟邪犬吠
疎籬根鳥棲枯樹

極每因青谿曲遂使略約斜山僧遠迎客
拄杖披袈裟坐我

青豆房汲泉烹紫茶

槭槭霜葉鳴皎皎霜月白豈期深山中乃
有不速客將無御

風行吹落大小翻手持竹如意並坐萬古
石舉杯斟酌之酒

戶笑連擘東林鐘魚聲相答永今夕

凌晨取微徑栗杖叩精廬病葉脫鴨脚斜
門東林窸秋盡澗

泉涸谷窟徙潛狙谿橋凡屢渡徑草多未
除西上天開巖縱

觀石壁書大江流舄下日午風舒舒急
漿撻盧舟有若逆水

魚不知躋絕頂蒼茫復何如

山游逾信宿未能極深窈我僕迎路隔揭步出叢篠比丘指
雙松紀年千歲少何人植此樹毋乃明僧紹摩挲捨宅碑風
迹尚未杳王郎妙山水能事擅江表試畫偕游朋煙液信昏
曉經營殫意近改月庶能了

晚登燕子磯同周布衣賞柯舍人崇禎各賦三韻

舞燕寒不出危磯淨無塵夕陽射亭柱遠渚移釣輪應從長
蘆畔指點登高人

魯太守赴席上賦

海內詞流幾派分盡誇皇甫士安文太守作今正愁縞帶交
期晚蚤有瑤華驛使聞歸路亭臯飛木葉放船薛澗冷湖雲
十年夢寐西堂燭今日題襟得共君

贈徐丈

石帆先生海嶽姿盛年解組棲山茨耕漁軒竹長千个上下
崦梅開幾枝有客問年書亥字閉門轟飲過申時只今介雅
多新句好續金蘭舊日詩

玄默關茂

送徐中允秉義假還崑山六首

紫陌春晴匹馬歸清江南下一帆飛人生半百且適意未見
朝衫勝芟衣

經義紛綸致異同誰能閉戶軟塵中著書終讓名山好翰與
周南太史公

舊侶荆高對酒頻香螺畫盞五冬春獨醒客去無馭坐臥甕
憑誰捉醉人

石湖居士范成大金粟山人顧阿瑛歸向東吳無箇事留宿
題徧草堂名

爛漫廚煙煮野蔬
菘根秋未韭春初到家一事差堪惜不食
松江巨口魚中允性不食魚

淶波碧草望中遙
劉井柯亭轉寂寥他日歸帆下吳苑先攜
竹杖訪平橋

送張劬之平遙

彼汾沮洳吾舊遊
送爾匹馬逾徐溝人行芳草碧於水日出
杏花紅滿樓榭中酒味苦桑落簾外鳥聲黃粟留客居適意
遠亦得搖筆賦詩何所求

送孫編修卓使安南

詞臣銜

命自螭坳親捧
天書出漢郊
萬里驂鸞經北戶
百夫騎象
迓南交
蕉花紅壓桃榔杖
蘭葉青連翡翠巢
知有清文冰雪
並能令瘴雨洗黃茅

李檢討

登中紺園雜詠六首

荷陂

風過蓮葉香
日出釣船去
不聞雞犬聲
但有鷓鴣語

柳浪

斷岸綠楊齊
濃陰覆水低
東風吹太急
扶起過橋西

綠水軒

軒中獨木几
檻外獨木橋
際夜沙月明
蘆荻風蕭蕭

會心亭

雜卉秋尚開
淺莎晴可坐
於此獨寤言
浮榮等糠粃

鏡香樓

吾里鏡香亭君家鏡香樓滿池鴛鴦浴四面芙蓉秋

松風臺

山月無片雲夜半松風起欲寫入瑤琴風聲吹不已

上巳萬柳堂讌集同諸君和相國馮夫子韻二首

不到閒園已隔年綠楊高映女牆連無妨並馬橫橋渡更許

深杯曲水傳徑仄易侵蘋葉小日晴況有杏花妍舞雩幸忝

從游列澹沲春光過禁煙

小徑升堂步屨偕隄沙遙築避塵霾歌翻驟雨新荷好地比

崇山峻嶺佳露井有華滋藥甲春衣無桁挂松釵永和會後

斯游最禊飲蓬池未許儕

送陳四處士
晉明再入楚二首

燕山雪後送君行茸帽駝裘馬上輕一片晴川萬楊柳春風

重入武昌城

官清幕府足棲遲漢上題襟定有詩鑿井便為王粲宅行歌

隨處葛疆池

沈詹尹
崔少詹
蘇林招同湯侍讀斌施侍講閔章

潘檢討
未飲限燈字

九月秋陽氣尚蒸晚來欲雨薄寒增黃花插帽經三宿白苧

裁衣試幾層小鳥飛翻簷外樹微風升降酒邊燈相期偶值

趨朝暇起問鑿鑿鼓未曾

同作
時重陽
後三日

潘
未

西峰鎮日翠峻嶒瀑直無因得共登九陌年華銀箭水千

秋心事玉壺冰惟因綠酒親元亮莫遣黃花笑季鷹却憶

升平多故事醉騎官馬簇紅燈

送查上舍昇之湖口

爾去彭湖口香爐對客惚潮痕灌嬰井果否應潯江

除日 保和殿侍宴

珮結緋魚後樽開白獸先呈能勾樂隊密坐潤爐煙紫路頻
除夕青燈異往年誰當頌椒會猶侍

聖人前

昭陽大淵獻

元日 賜宴太和門

垂衣逢盛際輯玉盡來庭白醞三光酒青歸一葉奠新年
恩較渥昨日醉初醒九奏鈞天曲風飄次第聽

十三日 乾清宮一賜宴

詔許 宮門入人隨 陛戟移江梅低壓帽火樹密交枝既

醉盈觴酒無疆萬壽詩夢游真不到今夕奉恩私

是夜 賜內紵表二裏一

元老傳

天語殊恩及侍臣禮優加束紉價重抵雙銀笑答妻孥問爭
尋剪尺頻光風今歲早春服最宜人

十五日 保和殿侍食

露草詩歌雅雲天易象需不圖大酺樂獨許小臣俱注盃茶
膏滑堆盤菜甲殊歲除曾幾日四度飲 堯廚

是日再入 保和殿侍宴

乍 賜晨餐出仍容午宴陪一夫馳秉翟七校下傳杯妙舞
娑盤歇華鐘取次催分明衣上月攜自九霄回

二十日 召入南書房供奉

本作漁樵侶翻聯侍從臣迂疎人事減出入

主恩頻短袂紅塵少晴牕綠字勻願為温室樹相映上林春

恩賜 禁中騎馬

魚鑰千門啓龍樓一道通趨翔人不易行步馬偏工鞭拂宮

鴉影衣香苑柳風薄遊思賤日足繭萬山中

三十日

上自南苑回 賜所射兔

壹發歌文園三驅入漢郊乍肥淺草窟宜入早春庖 賜向

燈前出歸從馬後稍食經繙未得方法試燔魚

二月初二日 賜居 禁垣

講直華光殿居移履道坊經營倚將作宛轉繞宮牆對酒非

無月攤書亦有牀承

恩還自晒報國祇文章

駕幸五臺山恭紀三首

圖經曾識五臺名想見雲從 帳殿生節物乍分春恰半登

臨最好雪初晴林香紫鴿翻風上月黑金蓮照地明定有山

靈呼萬歲不徒龍象下方迎

花宮高下繞臺懷鐵鑊層層鴈蕪階代郡雲山連朔郡北街

星斗劃南街千夫試轉清涼石二月如燔泰岱崇望秩百王

曾不到天教

宸藻首磨崖

紫府仙居岳鎮同削成大古想神功地傳竺法蘭棲處山入

勾龍爽畫中曲磴溪流頻度馬晴雲烏下數歸鴻省方豈為

尋沙界特采天花壽

兩宮

駕自五臺回 賜金蓮花

紫府蕃神草金花近

御牀獻非緣鹿女

恩許載牙箱一束叨

殊數千金補禁方丁寧須什襲或恐夜生光

銀盤菇

細菌多無算銀盤大一圍未殊榆肉脆更較樹雞肥

御墨題猶濕嘉蔬物豈微流傳文館記盛事景龍稀

賜紵紀事

上闌初日映簾犀

天語聽傳紫閣西織自珠宮加熨貼擎來黃紙驗封題折枝
花訝臨風並掉尾鯨看戲水齊端綺入春

恩再洽稱詩彌媿在梁鸚

賜御衣帽恭紀

鶴紋初啓尚衣封藤帽朱絲自 九重日角乍辭宮樣穩冰

紈不散

御香濃玉堂掌故傳他日清鏡衰顏話舊蹤回憶滄江六年
事筍皮荷葉釣船縫

醍醐飯

絕品醍醐飯人間總不知素餐臣節媿推食

主心慈九繫長腰米兼金六寸匙青精徒自滑較此駐顏遲
賜鮓魚

京口鱒魚尺半肥黃梅小雨水平磯無煩越網千絲結早見
燕山一騎飛翠釜鳴薑纒敕進玉河穿柳旋攜歸鄉園縱
與長干近四月吳船販尚稀

憎蠅

曉夢晨光裏羣飛戶尚高慣能移白黑非止慕擅腥曲几思
投筆輕巾屢拂屏北牕眠未穩孤坐憶江亭

憎鼠

尺二田間鼠何來廣厦中鬚看縛筆易聲比數錢工未肯腸
三易須知技五窮銜蟬如可聘滅燭臥宵終

送杜少宰

錄視海閩粵二首

漢將樓船遠受降重臣疆理到南邦山程伐嶺復見嶺水驛
灑還上灑榕葉清陰交露朝梅花疎影入吟牕不知五色

羅浮雀玉節前頭日幾雙

暫輟山公啓事書周巡閩海自扶胥廿年已失魚鹽利百戰
猶存蕩析餘鴈戶沙邊尋舊宅鮫人渡口趁新墟
恩言却似平淮後相度來宣走傳車

早秋西華潭

殘暑秋逾熾涼風午乍催微波蓮葉卷新雨豆花開宛轉通
橋影清冷傍水隈夕陽山更好金碧湧樓臺

夜起

銀浦懸宮月金風動井榦魚雲吹不去蚪箭滴初殘木落南
樓早山連北口寒秋來無別夢夜夜望回鑿

送宋僉事

錄之官通路四首

十里鶯花露朝前慶豐脯水得漁船莫嫌一出春明遠猶是

城東尺五天

中盤曾聽佛樓鐘按部重登紫蓋峰料得使君吟興發塞門
百道走紅龍

漁陽松繳寶坻魚溲酒吳船味不如更憶昔年移柳在濃陰
輸爾書簾餘

白馬銀鞍紫絡纓引弓曾傍屬車行為郎未老單車出射
虎重過右北平

次韻贈沈上舍

沈郎詩格珊瑚鈎曾題八詠之高樓著書應過習鑿齒論事
不數賈長頭橋門鼓篋又三載社酒治聾須幾秋愛子齋居
花滿眼疎簾清簟坐銷愁

題高侍讀江村圖二首

菊砌疎寮舊跡存畫圖髣髴見江村雙橋儘許通舟楫他日
柳陰來叩門

杜甫南鄰有朱老吾將徙宅問東家水邊沙際閒田闕添種
鴨桃千樹花

題畫羅漢

梅生小十六羅漢筆力遠勝盧楞伽我題此幅更奇絕人影
瘦於枯木查

題雪中垂釣圖

九十九淀畿南水五三六點塞北鴻雪花漠漠濕柳絮入影
瑟縮枯蓮蓬易酒凍酒村藥白東家西家爐火紅此時堅坐
不歸去一笑無乃天隨翁

為王祭酒士禎題畫冊二首

許山樂口水模糊穉柳天桃何處無他日雪堂留客逕不難
疏鑿擬西湖

寒江巢石早梅舒此地仙居也不如但恐瀑泉侵案濕小牕
催徒讀殘書

法酒

敕自宮門下香從內庫來綠瓷饌饗滿黃紙一封開燈火將

除夜屠蘇最後杯沉吟

主恩重入手且先催

官羊

考牧傳周雅包羔憶楚騷肥應速諸父瘦敢讓聯曹家祭占

丁巳毛牀鉸圈牢賜生臣必畜詎忍授屠刀少牢饋食禮曰則丁巳齊民要術養羊法

三月毛牀動則鉸之五月毛牀將落鉸取之八月又鉸之

鹿尾

東丹王子畫移刺楚材詩鹿尾漿始見楚材集尻截漿尤美肴蒸味最

奇須停射工脯不數果園狸燒尾聞唐日今朝宴亦宜

梭魚

雉兔關東最梭魚味更良刺方青鯽少鱠比玉鱸香

賜出春初早攜歸尺半長苦師題字在魚鱗有字識獲時係十月十日寧分小

臣嘗

除日侍宴 乾清宮夜歸賦

千門除日已春融兩度椒盤侍 禁中坐聽鈞天仙樂後起

看珠斗上闌東歸鞍笑逐三駿馬守歲歡迎五尺童不是雲

漿浮鑿落衰頰那傍燭花紅

曝書亭集卷第十一

曝書亭集卷第十一

十一

江

下

口

金

江春似雪

關東歸對

對魚

上林水

對陳林

曝書亭集卷第十二

秀水 朱彝尊 錫鬯

古今詩十一

關逢困敦

元日 南書房宴歸

上復以有果二婦賜及家入恭紀

纒承 曲語傳仙閣 又擁瓊筵到北扉 歲酒更番移席勸

主恩一念感心微 比鄰漏下驚窺戶 兒女燈前笑攬衣 閒向

金坡說遺事 全家賜食古來稀

自 禁垣徙居宣武門外

詔許攜家具 書難定客蹤 誰憐春夢斷 猶聽隔城鐘

送張先生巡撫山東二首

曝書亭集卷第十二

十二河山大小東中丞持節鎮繁雄循良久數張京北副相
依然漢上公井稅蠲來青帝壤屬車迎及素王宮誰華秋
色看逾好秀澤單椒儼畫中

泰雲堂上酒曾酣種竹開亭徑舊諳山湧高城雙戟外池分
新水七橋南要知政簡無留牘可許朋來賦盍簪準擬春風
陪杖屨重游細酌楚泉甘楚泉子客齋南時所擊

同黃 虞 魏 周 在 凌 彭 桂 飲 劉 學 正 中 柱 齋

國子先生屋數椽晴牕齊拓衍波牋詩題史籀岐陽鼓書載
汎光湖水船百罰深杯初度夜十年舊雨一燈前不嫌臥甕
人來數日日牀頭釀酒錢

副相徐公庭中種蕉結實禹鴻臚為作圖因題絕句

三首

一愛清陰護綠紗更看秋蕊綻靈芽豐宜門外園官老能得
幾人逢此花

日南曾記一叢叢合薦冰盤荔子紅誰料塵沙燕市滿露珠
涼綴小亭中

十年青簡待封題官燭長分太乙藜正值閒庭花放日便應
焚橐禁園西 故事國史編成於西苑蕉園焚橐

題汪贊善讀書秋樹根圖

千官仗下列蛾眉東馬巖徐獻賦時安有斯人坐雲壑披圖
真笑虎頭癡

同陸處士查上舍兄弟寓齋小集分韻得逢字

金水橋南楊柳西華潭外芙蓉衰年杯興未減隔歲詞人又
逢爾汝何甥謝舅飛揚季虎頭龍夕曛戀客未落留聽西林

暮鐘

送益都馮先生集萬柳堂次韻二首

十里沙堤萬樹楊秋容猶未點新霜小車稷下將歸日上已
城東舊醉鄉坐立部歌聽總好田園樂事話方長千秋祖帳
羸疎傳錄別樽前有和章

白頭許

賜治源閒青史難將諫錄刪此去耕漁尋舊侶且

憑絲竹解離顏開簾浴烏階前水過雨斜陽檻外山他日從
游期莫定強留嘶騎玉河灣

送張遠之桂林二首

濯枝新雨玉河隄送客遙尋五筦西自是駉鸞逐仙侶緇塵
不上錦障泥

星郵南指伏波巖路轉衡山九面帆吟到相思江更好綠榕

樹底紫蕉衫

題王叔楚墨竹為家上舍載震賦

畫家畫竹專用墨李波文同已難得後來能事吳仲圭橫斜
曲直無端倪誰為此圖王叔楚意象豈必全師古竹枝大者
一尺強其餘瑣細抽風篁山泉泠泠走石罅可惜無人坐銷
夏潛江主人購得之索我點筆題新詩吾家長水一茅屋北
垞南垞都是竹每憶園林燒筍時不戀樹雞及榆肉海陵曹
岳為我畫作圖藥爐茗椀書籤厨年來松菊成榛蕪對此臨
風一惆悵歸與歸與范蠡湖

送馮遵祖宰平陸

著書獨有五亭好作吏無如三晉閒醉裏襄陵官甕酒到來
底柱郭門山耕餘讓畔田千頃吟對浮查水一灣白鴈年年

日書正集卷十三
度汾曲相思煙月幾彎環

三

三

送周參軍

在浚

之官太原

曩客晉陽城逢君館香界羣公方愛士列席邀旅話君時一

曩客晉陽城逢君館香界羣公方愛士列席邀旅話君時一

三

縫掖血氣自矜邁高坐噉虱肩勇若舞陽噲百壺恣傾倒寸
心無萬介此會二十年平生意所快川涂屢漂泊第宅改湫
隘謀生術愈疎汲古心匪懈詩圖審正變樂章別流派博稽
皇象碑耽讀向平卦以茲河漢才金門足遷拜一官趨幕府
諾仕吁可怪衣垢馬足塵氣短酒壚債所幸山水區轍跡舊
曾屆瑯琊難老泉分流注蒲稗中有長生蘋葱青儼圖畫峪
藏千佛經遺蹟久未壞吾初見之喜力欲挾幽岩徙置叔虞
祠琳瑯等金薤事惟慮始難謀以蓄疑敗風峪洞中有北齊天
保時刻佛經石柱一
百二十六字客太原謀于王方伯顯祚曹副使洛將
啓而徙於晉祠築亭貯之有方使君持不可乃止好奇君過我試
往破天械築亭古柏交移石秋陽曬廣榻九萬牋流轉都市
賣即事良可傳居卑莫深喟行春狐突山翫月鮑昭解適意
亦由人慎勿形神瘵

送田少叅斐之楚分韻得江字

前年白下君送我臨當解纜拔柳椿勞勞亭子惜分袂津吏
伐鼓聲逢逢今年燕市我送君西山積雪連崆峒夕陽欲落
猶未落返景倒射紅油牕人生會難別苦易君又乘傳熊渠
邦川涂迢遞四千里計程涉濟河淮江翻飛蒼鴈且莫致攬
環結珮何時雙深杯當前宜縱飲滿貯獸火傾羊羶坐中曹
貞古謝重輝關奇句掉險類舞都盧撞壁言諸宮商迭相奏字
瑟控榻紛瑋擬君亦錄別留新詩偏師一出長城降古來文
人志開濟豈必翰墨驚冥意邇者七澤罷兵革燒畬買犢齊
耕稜芻芟米粟待輸輓管數稜秬爭牽扛有時清暇集參佐
赤闌湖口浮舲艘雄風颯然蘋末至怒濤直指臺根撞武昌
魚泔十千尾宜城酒醞二百缸維樹屏昔所重快意不在

張牙幢吾今謫官一無事思從楚客塞蘭芷題襟漢上許酬
和他日抽帆偃畫杠

送曹郡丞貞吉之官徽州

勝絕新安郡高秋擁傳行江流清見底山色翠當楹萬壑雲
為海三都石作城漆林分井社松蓋辨陰晴墨愛麋丸漬茶
先穀雨烹由來風土美見說訟庭清之子齊東彥才華鄴下
并詞源白石叟詩法玉谿生鳳沼趨晨久鸞臺典籍榮後來
薪愈積老去驥長鳴豈厭承明出遙思廢吏迎名山謝康樂
隱吏許宣平晚飯桃花米春厨竹筍萌麥光題素紙龍尾滌
金坑暇有懷人作知同惜別情十年呼薊酒雙調譜秦箏忽
漫登長道沉吟數去程跡猶淹旅食心已定歸耕七里嚴陵
瀨千秋黜帥營相尋試酬和編笈采紅蘅

贈別孟情二首

老夫臥穩謝浮名羅雀閒門少送迎一事近來差快意篋中
詩得孟雲卿

碧山學士王聖與鑑曲詩人陸務觀五百清詞纔過眼最愁
花外送歸鞍

詠柿

累累八稜柿託根西山陽一株一畝陰蟲鳥莫敢藏烏稗秋
遊實赤葉新翻霜團酥釀甘露冰蕊流寒漿回憶三伏時毒
熱難周防永日無片雲焦煙起連岡行人經樹底豈異冰壑
涼此時儻結子瓜果安足方奈何風淒其摘來始盈筐嗟爾
生非時難誇受命強況值蟹膏肥配爾慮見殃憧憧往來人
掉臂不一嘗空煩黃口兒燈火市道傍南鄰煨芋栗北舍鳴

椒薑炎涼迭相代歛退分所當幸有林居人愛之終勿忘

題東浦學耕圖二首

上書空敝黑貂歸賣賦年來計漸非爭似爲農東浦畔醉吟
獨速舞蓑衣

老我青紈嬾束腰薄田枕水傍灣橋明年準擬全家返也買
烏犍種楚苗

題汪檢討楫乘風破浪圖

汪君才地何崢嶸直與東馬巖徐并一朝銜

命使絕域瀕行封事上九閔乞降

御筆示海外永使荒服輸其誠僉曰不可

帝曰可濃墨大字搖光晶

天子臨軒賜顏色容臺諫院那得爭琅函錦題國門出車前

騶唱揚三旌麒麟之袍繡織成青絲絡馬雙鞶纓被以重屬
紅猩猩南浮江淮達閩越長風五月沙雨晴天妃廟前灑酒
行柁樓語笑潮已生梅花洋東天水黑但見日月星辰明一
夫危檣赤脚撐捷如山木騰鯨鯢百夫仰望日盡瞠峭帆風
飽弓在檠又如張翼鷲鳥征有時吟嘯訝鏘笙千人同舟一
心力不比吳越交相傾巨魚長似金背鯨揚鬚前導莫敢撓
滿空霜禽飛且鳴黃衣蝶翅方鸚庚昏波忽拔虎蛟穴靜夜
或睽驪龍睛潮雞報曉鼉報更三日竟指中山城中山君長
搓手迎道旁張樂聲琤瑤傾城士女堵牆立筍皮笠重蕉衫
輕叢筠夾岸煙梢平佛桑花開白紫賴日長使館坐無事圍
棊隔院聞楸枰銀光矸紙白幅呈詩篇或與沙門賡愛君臨
池用筆精草書不減張伯英八分遠過梁昇卿宣尼新宮碑

一丈高文摹勒傍兩楹更聞島中田少耕賓筵日日羅香杭
佳酥之魚翠釜烹香螺勸酒黏綠錫糗糊深椀山諸羹遐陬
風土正不惡亦有花藥同揚荆歸鯢仍以鍼計程往還七見
蟾蜍盈君來詣 闕因陳情請假讀禮旋書棚却金復荷
主恩賜投牒翻來遷秩榮憶昨送君秋氣清纔逾一暑入
帝京金門咫尺我顛蹶君乃萬里來蓬瀛披圖雪浪看尚驚
眼花欲眩心怦怦耳中髣髴波濤聲粉精墨妙誰經營恍疑
博望星槎橫我歌長句揮散卓青雲敢附千秋名

題侯開國鳳阿山房圖三首

四先生里讀書莊尊也經營興不忘張筆孫詩陸經義孰居

南北孰中央

謂張上舍雲章孫孝廉致彌陸徵君元輔

吾家亦有三畝宅千个篔簹兩樹桐輸與勾吳歸客健滿頭

白髮 帝城中

練江風物最牽懷藥布筠筒市滿街他日堂成須報我便拖

竹杖覓吳鞵

沈上舍

季友南還詩以送之

有客辭我行席帽白羅袷自言不得意歸當荷松鋪小園柘
湖濬流水似清雲離黃舞花梢靜綠照簾柙青蒼風筠竿紫
茜露藥甲都籃茶具列月波酒槽壓恒許二仲尋寧嫌三徑
狹年豐鰕蜆賤市遠漁樵洽權歌夜尚聞香稻曉仍畝暇便
操土風先民有遺劄上舍輔李詩樂郊續私語雅製洵不乏憶昨
擔簦來燕臺雪飛恰高詠篋中詩得句奇且法燈火擁上元
酒人齊賞狎陽春詎寡和轟飲恣深呶雅材一百五珠槃藉
爾歆駢詞妙徐庾經義析鄒夾謂當搏扶搖青雲在俄霎豈

意威鳳姿先鳴讓鴨鵝新霜危葉墮遠渚羈鴻啞別筵逾九
日寒水響五插竹節鞭乍持更房鬢猶插倦游憐歸人有若
劍離匣改歲誓言旋比鄰數鵝鴨

和韻題惠

周惕

紅豆書莊圖五首

離離紅豆映空亭裊裊牽牛上短屏最愛舍南風幔卷高城
不隔遠山青

粥魚茶板近松門夕照雙浮塔影存一入畫圖看便好城居
僻似沈尤村

全家擬泛酒城東已分生涯釣叟同他日招邀葑田北一帆
風飽似張弓

羣雅之材一百五說詩匡鼎未應過老夫也擬刪箋注點墨
研朱奈懶何

吳船歸及早梅春淨洗東華短褐塵我亦潞沙旋放溜來尋
北郭十詩人

嘉禾篇頌張先生

康熙二十三年冬

天子將登日觀峰十行

詔下軫三農薄徭放稅寬租庸南

徐夫子小隊從天廡

賜馬繡纏髮先時水旱頻告凶北達

河沙東灘灘晨炊不舉夜不春夫子下車憂慙慙請發倉粟
救鞠訕鄉師爲粥吏佐饗飢者得食皆歡悰有如鴈啞魚噉
喁土鼓賽社聲瑟瑟服田力穡不敢慵麥既登種稑種冷
風時至甘雨濃生我嘉穀黑白彤一莖乃見抽三稜露苗珠
綴花惺忪照以澹月涼溶溶下有溝水鳴琤琮耕夫饁婦齊
動容襁負稚子行蟹蟹百年野老訝未逢載筐及筥包以棕

來告節使獻 九重般般者獸宛宛龍連理之木蟠枝松玉
芝紫脫青芙蓉未若茲禾和氣鍾靈苗驛驛芒茸茸八月其
穫崇如墉輸之 天庾惟正供我聞樂事舒心曾大賢美政
孰比蹤不貪爲寶民吏宗
主聖臣良時乃雍 風十雨殊乾封

簡宋觀察

奉

今年燕臺數雨雪雪晴九陌吹回風欲鳴不鳴曷旦鳥得過
且過寒號蟲茸裘已敝庫尚典濁酒苦貴樽長空故人念我
儻分贈薊門白炭盤山菘

題陳履端詞藁

尺書頻寄慰衰遲羣屐風流又一時珠玉連篇歌乍闕
別譜小山詞

題洪生對酒圖

酒庫京坊六度開近無月奉市官醅荆高舊侶多零落賴爾
南鄰日往來

再題高學士江村圖二首

荒茅結屋短牆垣不似金坡學士園只合年年借儂住漁竿
漁網插溪門

勾吳嚴四畫難得比似孤村境復殊想像江鄉宜有此蛤蜊
菰葉賀家湖

爲畢大生題扇

今年十月尚暄和雨後流泉響玉河竹扇未應收画篋絮衣
猶可著香羅籬根細菊久逾媚砌下吟蟲夜轉多那得滄洲
載新酒亭前捉臥甕人過

雨過劉學正兼隱齋觀石鼓文拓本

今秋最多雨陸嘉淑昧谷藏烏蟾彝尊在書丙丁帖魏坤果符甲
予占劉中柱夙興愁霞賴朱載震餘溜消突黔查慎行折簡四門至
嘉淑卜書得所欣彝尊各各衝塗泥坤紛紛污鞞襜中柱入門老
莎滑載震遠屋細菊黏慎行焜黃已撼撼嘉淑晚翠方娑娑安彝尊
濕徑乍一取坤油雲俄重淹中柱側耳聽浙瀝載震深坐防濡露
慎行際此霏零符嘉淑猶未霰雪兼彝尊臘釀清五加坤獸火紅
半枚中柱安蕭采翦甲載震直沽蟹擘箱慎行海物羅瑣碎嘉淑
山果咀酸甜彝尊捉臥甕人醉坤覲不速客添中柱中筵樂方畢
載震主人發經奩慎行獵碣自陳倉嘉淑甲乙分排籤彝尊其辭
儷雅頌坤其法妙鈎鉅中柱選徒悉左右載震體物窮游潛慎行
秀弓既云調嘉淑麋豕罔不殲彝尊君子爰迺樂坤籩豆充包

歸中柱詩嘉淑雨作載震書命臣籀僉慎行車攻與吉日嘉淑比擬
音文何彝尊奈何馬鄭徒坤紛紛起談論中柱年殊成官狩載震
譚異姬羸銀慎行缺畫費咿嘵嘉淑密義煩顧瞻彝尊修藤蔓慘
望坤勁草萌勾小大中柱簪花女姚冶載震帶甲士凝嚴慎行作龍
之而鱗嘉淑掀攫于思須彝尊往在岐陽時坤曠野孰窺覘中柱
受辛相夜杵載震敲火磨霜鍊慎行宣和忽移致嘉淑皇慶乃覆
苦彝尊切磋留太學坤愛惜蓋深檐中柱鈎金縱剗別載震節
角仍安恬慎行詛楚文久泐嘉淑亡秦碑或燔彝尊藉茲典刑存
坤一字直一縑中柱述書誦古賦載震改席琴疎簾慎行車轄投
亦得嘉淑接離倒奚嫌彝尊吏暇笑兼隱坤官冷慵趨炎中柱
有酒傾玉餅載震無酒指青帘慎行六街鼓鼙鼙嘉淑兩頭月
纖纖彝尊欲行復被肘坤燭至還提斬中柱謂客毋庸歸載震

險韻尚可拈韻行

旃蒙亦奮若

秋涇行示吳秀才 周璣

秋涇水上有落帆短亭子渡頭橫跨百尺橋蟹舍漁村合成
市吳郎門對涇水流花南有堂北有樓吾來襍被過信宿三
日五日常淹留甘魚倒臘甕瓦量酒傾新篔君詩老蒼賦温麗
有才如此翻不第蘆簾紙閣歷歲年穉子蓬頭婦椎髻婦為
吾妹子吾甥薄田涇上鹿可耕埽除肯作一室計汗漫寧為
千里行相憐童穉情親早旅食京華吾潦倒昨者有客來武
陽傳說容顏君不老人生六十猶未衰樽前只合閒懷抱何
況騷人屆初度燈火上元時最好歌長歌書草書知君發函
伸紙還軒渠吾今妻子返里閭明年歸乘轂鯨車君還秋涇

定何日相期近結比鄰居

送王贊善 揆 視浙江學政二十韻

京國沙從舊婁江甲第臨世家唐宰相經術漢儒林早射匡
時策先鳴正始音才華王轍謝詩筆沈兼任偶出辭温樹重
來翫薛禽瑶山開四照丹地拔千尋 朶殿新筵管 儲端
每獻箴詢謀公望最眷顧

主恩深持節巡江介觀風采會吟色絲能辨石爨火定收琴

洞壑包三九 道書洞天福地在 浙江共二十有七 圖書足古今湖光仙權豐嵐翠

戟門侵紫筍茶教瀹烏巾酒待斟詞場翰藻鏡交誼重苔岑

十載逢青眼相於愜素心別筵愁袞袞嘶騎去駸駸苑雪花

猶積官橋柳未陰懷歸貪倚著投分忘升沉送送情何極勞

勞思不禁還期承蓋處鄉曲共題襟

社日二首

幾日社公雨芹泥香滿汀生憎飛燕至不放海東青海東青畏燕子見歐

陽原 功詞

藥甲何曾碧花枝亦未紅治蠶有方法只恨酒錢空

柳巷杏花歌同嚴中允細孫 錢編修 中諧作

頻年住 帝里一山一水何曾經有若蝸負殼又若鳥翦翎

疾風揚沙卷花去眼看春事如流星邇來罷官居肆意尋郊

坳朝從潞河還犯卯酒未醒晨過宋使君 雙橋東偏柳巷北小

寒食後微雨零偕行者二子各各駐輿丁杏梢含苞猶未白

柳條踈地今漸青晴絲冉冉香細細卑枝嫋嫋高婷婷村童

灌畦愛看客轆轤井架雙銅餅種花此地已難得那不更縛

香茅亭江鄉爾時春愈好西神山下泉泠泠闔門游人連臂

出筠車十里填支硎只如南湖亦不惡桑鳩穀犬聲可聽紫

荷花草雜坐臥燕來竹筍生於嶼人生還家貧亦足何苦晨

夕勞其形吾儕田廬況不遠峭帆柔櫓凌迴汀都籃兼攜茶

酒具悶拓小眼紅牕櫺吳歛越吟相繼和五日十日恣留停

念此令人反惆悵夕陽四顧塵冥冥

寄胡少參介社

使君麗句過西崑賦格詩圖許細論轉粟年年先社燕抽帆

處處市河豚吟看上客題襟滿書想高齋插架存辜負連船

載滄酒故人未得下津門

送陳舍人大章 歸黃岡

娉姿玉山並君詩白雪高豈意采風人力不及楚騷策馬去

却佩腰間刀深雍虎文鞞短後茶色袍但愁別須臾何

用心鬱陶素業在黃岡潮田滿江皋烏犍三百尾種秫持作
醪暇搜耆舊文筆禿猩猩毛少年能著書此事亦足豪何時
涉夏澳共爾浮金舸

贈耿都尉二首

承 恩驂乘入明光 賜第仍居履道坊日昃尚趨 三殿

直月正恒捧

萬年觴長楸走馬先歸埽小苑飛花近拂牆自有囊中餐五
訣無煩菊水餉南陽

黃房竹葉勸深杯月底簫聲次第催才子不妨如意舞酒徒
拚倒接羅迴開簾最愛亭前瀑改席宜登樹杪臺笑問琴山

一青鶴可能天際忽飛來 謂周郎中襄緒也

納臘侍衛 性德 輓詩六首

驟聽黃雞唱驚隨白馬來百年嗟輟瑟五日尚銜杯泉下知
安往人間信可哀退朝憐相國封篋忍重開

通籍題檀筆承 恩改鵲冠射鳥天一笑走馬路千盤禁直
昏鐘入廊餐午箭殘傷心倚閭望東第少歸鞍

出塞同都護論功過貳師華堂屬纊日絕域受降時悽惻傳
天語艱難定月氏斂魂猶未散消息九京知

屈指論交地星終十二年斯人不可作知己更誰憐翠漸深
門柳紅仍膩渚蓮舊游存益少悽斷小亭前

主客披圖得雲煙過眼諳吟花成絕筆聽雨罷深譚画裏韶
顏在樽前綺語耽憑將腸斷句流轉到江南

別悔從前易途傷此日窮迴腸歌哭外搔首寂寥中迹掃孤
生竹枝摧半死桐自今觀物化不詆釋門空

送姚先生巡撫全蜀二首

漢庭折檻舊知名節使疇咨副相行曲讌午辭珠鏡殿單車
春莅錦官城山川想像王師入父老扶攜益部迎并絡坤
維資重鎮遙將籌策贊昇平

清時文軌萬方同將作經營五柞宮雅雨黎風吟木客芋田
芸鼓輟已童丞須元老經綸及不使遐陬杼軸空
天眷自來西顧切昌言早為達宸聰

高處士光方處士中德陳上舍治將歸過集古藤書

屋同陸處士嘉淑魏上舍坤分韻賦長歌送別得要

字

我攜家具海波寺九月未槁青藤苗夕陽倒景射檉柳此時
孤坐不自聊故人遠別齊過我謂言分手當來朝或還東江

陸瑄宅或渡南浦江淹橋龍眠一叟幡然回斧柯無恙山中
樵金堂酒伴難悉數隨意牽拂相招要林衣滿地席帽脫畫
不絕筆書能超吳船恰到麴車響甕瓦頭乍坼輕塵搖匏樽屢
空鴈壺覆豈必柴汝官哥窻南中風物試細論歸值稻米蒸
長腰披緜黃雀切玉鱠差勝北地肥羊燒我今已解腰下組
羸馬且免晨趨朝夜如何其判促膝秋牕須盡燭一條人生
合并苦不易後會久速誰能料明年吾亦掉頭去石田茅屋
恣逍遙儻能訪我長水山相留浮白還炊彫

重九後一日雨中集長椿寺

九日倏已過姜家英濕雲漫四郊森森長雨垂彝尊颯颯虛檐捎
病葉戀冷枝梁佩蘭驚鳥盤空巢晨興踐夙約陸嘉淑攬袂皆貧
交勝引雙樹林魏坤宛若深山坳藤館三秋蛇張雲章槐舞千歲蛟

赭柿迸露實朱載震金英坼霜苞紅的的吳萸陳曹蕤碧叢叢秦
 苧瓦溝竄鮪鮪湯右曾戶網除蠹蝨蘇深負伏查慎行篆古蒲
 牢嗜粥魚畫浩浩俞兆曾精雞午嘒嘒光景欸明晦宸英眺覽窮
 樽櫟新酌綠滿餘尊尊晚菘黃克庖豈意青豆房佩蘭俄頃羅
 嘉肴鳴薑臄紫蟹嘉淑題鮓餘彩緇子鵝新韭配坤鮮鯽枯
 荷包已見雉膏及雲章況有免首魚分曹玉鈞射載震角力骰
 盤拋急觴易沉頓曾緩緩帶便爬一飲動一石右曾載號或載
 吹同聲倡者和慎行合意漆在膠五言乍妥帖兆曾十手爭傳鈔
 雖乏韶濩音宸英肯使下里歌合併洵匪易拜尊顧我中心愧
 歸帆艤舫佩蘭別騎籠鞅邇迤陟荒岡嘉淑邪許拳長筴
 免泣下和璞坤且誅宋玉茅草縛不借履雲章泉酌呀然飽櫛
 榔蕉椰荔載震都蔗菱菰艾雞頭祖竹萌曾毅翠羽官梅梢熟

知江鄉樂會莫厭湖田磽招隱丘中琴慎行勵志貴上文豈必
 馬足塵兆曾逐營斗筭宸英

送梁孝廉 還南海

合昏花開暑雨微故人留君解驂謂納臘侍衛性德也合昏花謝故人
 死燕市酒徒看漸稀秋林卷穉百卉腓籬根細菊圓如璣北
 風蕭蕭南鴈飛執紼窮鳥相因依此時欲別不忍別馬行蹉
 跼循郊圻把杯勸君君莫揮執手語君君莫違男兒貧賤亦
 常事故鄉得歸姑且歸吾今捐珮也當去免使同學翻攢譏
 遠遊汗漫計亦得他年訪爾白板扉舊交況
 無恙相與散策探林霏盡脫苛禮消塵機龍龕下上濯我足
 石樓小大振我衣乳蕉子黃荔子緋馬甲桂脆紅螺肥榕陰
 一畝竹十圍南園可以恣酬和詩卷無人論是非

古藤書屋再餞梁孝廉

露穉倦未飄雲鴻遠相引尋尊星埃感蓬勃物候變淒緊
怪怪八達衢有客駕脩軫查慎行僕夫在郊垆徐黍被隰畛

祝卓浮滄瀾舍權度噫麟舜尊雷殷風息颺海大魚見鱉

右曾峽後有時歸南雪終不實慎行九十月之交六千里而近

懷居興雖冷判袂情詎忍舜尊置酒青藤陰入門走蛇蚓

右曾颼颼涼颼動灑灑纖月隱慎行山杯深注匏野藪脆嚼菌

迎寒笳卷葉戒夜鼓鳴篔簹舜尊譚鋒摧趨雄詩械破詰窘

右曾毫毛秋兔脫墨光古香吮慎行臨當黯然別且復莞爾哂

炎瘴舊所便眠食曷惟謹舜尊行逢早梅墊到及蟄蟲蠢

右曾前期久莫忘鄉夢今始準慎行穆如清風篇袖以示均尹

寄周參軍 存淡

初聞歇馬臺駘廟近說看花狐突山愛客易傾冬醞美著書
難得畫簾間加餐道遠彌相憶倦旅秋深尚未還風峪石經
無恙否何時徒置剔苔斑

喜周 箕至

耆舊西吳大雅材白頭纔一到金臺最愁馬上乘船似不道
天邊犯雪來酒盞四年方得共燭花昨夜記曾開郊扉晚計
何時遂十里艾山日往迴

曹先生 容 輓詩六十四韻

狗祿經時別加餐萬里教報書人未返凶問客來譟竟輟椅
桐瑟虛藏稷黍包腸迴真似結語咽不禁備投分懷衿契忘
年比漆膠縱橫才不世經緯學能包壯日膺 乾顧亨衢協

泰交皇筵在原隰駟馬避鞭鞘卿月青霄上台星紫極指一
主恩中外重物議愛憎殺嶺外資分轄雲中籍建鏡軍興還
轉餉戰勝屢登轅未觀勳書策翻令祝代庖清時臥安石奇
計老居鄭種樹鄰初地為園傍樂郊金陀坊最曲錦帶水難
渚曲解偷聲譜廉從問字敲說詩窮五際布易得三文東馬
文無敵南狐史共鈔近游師束皙高論折尸佼昔歲投荒徼
芳筵恣叫吹晴牕蟲蠟翦晚飯鷓鴣魚飲罷題連軸譚深坐
轉胞硯憐鸚鵡潤筆肯蚶蚶拋小巾船撐蟹輕衣杼織鮫荔
支團火繖蘭出挂風髻蝶翅仙袞曳柑香佛手抓潮來雞喔
喔日出鳥咬咬震瓦長鳴颺奔雷易激颯離愁珠海闊歸計
石田饒魚取憐鷺脰泉常激虎跑避兵居共井穫稻澤分櫟
舫為蓴絲泊厨看芡實匏間尋百法寺悶解五湖菱楓岸拈

紅葉茶槍試綠筍探梅熨斗柄射鳴竹弓梢纜繫蘇堤遠壚
逢卓女姣過頭齊杖栗婪尾數浮跑山後津仍速樽前意更
皎池清移塞柳花翠繞秦瓦擁被陶為穴炊梁釜櫟摘白榆
貪食耳黃鼠厭克肴糖躁三沾蟹餅黏九日貓渾河流苦急
磧石面多蠟獵騎掀茸帽第人疊舞袖停軒聽賽鼓並轡指
飛鷗畫壁重重拭苔碑處處籟迎寒吹簾篋欲雪卷旂旆我
去重游菊公歸亦渡汶往來頻聚散契闊少謹饒小草無端
出冥鴻忽見翼盡嫌中散癖難免北山嘲反教孫升木那容
鵲定巢身猶依鳳闕宮久罷螭坳闕寂門羅雀淹留迹
繫匏正思耕作耦何意影同泡磨滅頻年札淒涼一束菱賦
成栖舍鵬夢斷入懷蛟遺草知盈篋懸車定覆苞空牀吟蟋
蟀暗牖網蠩蛸籤帙無由借人琴自此倍茫茫千古恨惺惺

寸心悔後兼金賈惟將漬酒酸平生知己淚亟欲反衡茅

送曾澤之南海
白髮遊燕舊酒人襍屨重踏六街塵來辜鄧尉尋山約到及
長安臥雪旬鴈底雲帆鄉樹繞馬頭星驛嶺梅春南園詞客
多無恙暇日爭扶大雅輪

徐公元文小像二首

緇塵十丈輦東華快馬明駝敲棘車誰似先生銷夏處水亭
風慢俯雲沙

一編青竹萬蟬魚東馬南狐總不如官燭兩條人半臂笑他
紅杏宋尚書

曝書亭集卷第十二

曝書亭集卷第十二

